

欽定剿平三省邪匪方略

欽定剿平三省邪匪方略正編卷一百九十二

庚申年

七月二十日

庚子

倭什布奏言竊青號賊匪竄赴

鄖縣總兵孫清元等緊躡追剿明亮從房縣抄

截嗣據孫清元等先後稟報六月二十六日追

至鄖縣分水嶺適遇賊匪埋伏衝突經該鎮等

督兵迎擊追殺二十餘里斃賊二百餘名賊匪

四散狂奔二十九日由文峪河竄往陝省白河

縣境內該鎮等擬卽抄赴陝省大營盤一路迎  
剿行至秦家坪適遇明亮繞道到彼當令該鎮  
等隨同出境追剿據各路稟報賊匪竄至白河  
縣後因官兵抄前截剿仍由鄖縣鮑家店黃龍  
灘花果園一帶回竄現在擾及均州之白浪周  
府庵暨穀城新店河七坪等處並據鄖縣稟報  
初三日副將佛寧帶領官兵行至花果園遇賊

接仗斃賊二三百名初四日賊發大隊繼至衆寡不敵該協力戰陣亡將弁兵丁多有傷亡

臣

查前因賊匪由荆門西竄襄郡兵守空虛當派佛寧等帶兵七百餘名暫駐防守嗣因賊匪從南漳前竄襄郡無虞復令該協帶領弁兵仍赴明亮軍營協剿時值明亮行抵房縣該縣兵守亦單隨又札飭該協馳往房縣防堵不意行至

花果園遇賊接仗陣亡其傷亡將弁臣現在確

查另行奏報准是賊匪既經折竄明亮等自必

帶兵回剿賊緣道路阻塞尙未知其由何路前

來此時附近各營汛守空虛無兵可調而各屬

秋成豐稔稻禾現屆登場斷不可再任賊匪蹂

掠且均穀襄宜一帶處處瀕臨漢江更宜嚴防

窺伺查襄郡存城兵丁不及三百各現在撥出

一百二十名派署襄陽右營遊擊蔡廷標管領  
攜帶鎗礮乘坐船隻於沿江上下跟蹤迎截並  
飛飭各地方官將南岸船隻概行提禁并於北  
岸厚集義勇節節防守以免賊匪乘間竄越至  
襄郡所剩之兵止有一百數十名臣現督襄陽  
府張瑬趕募健勇一千五百名以五百名派張  
瑬帶領協同城守遊擊馬建紀防守城池以一

千名飭交在襄養傷已痊之叅將朱士奉帶領  
會同都司宋古典於城外扼要之武功山紮營  
堵截並令多集義勇分布各要隘協力守助以  
壯聲威臣仍往來郡城內外督飭嚴防如遇賊  
匪竄近卽當率同將弁兵勇悉力遏絕一面飛  
咨明亮迅速帶兵回剿以期兩面夾攻

倭什布又奏言臣欽奉

上諭守備修永宏於楊開甲闖入鄭西時因打仗受傷當經鄉民救出並未陣亡何以彼時並未據實稟報如查有臨陣退避情事一面將伊革職拏問

一面奏明按律治罪等因

臣

等當卽飭委鄭陽府

知府王正常代辦鄭陽協副將郭廷樞查驗修永宏所受傷痕切實根究茲據郭廷樞等稟稱查驗該員右手腕有鎗子傷一處右乳旁有矛



傷一處尙未平復左後脇左腳踝俱有跌撞傷  
痕左腳踝骨損訊據供稱該員帶領兵勇五百  
餘名在鄖西蒿坪壩堵禦圍四月初六日楊開  
甲大股賊匪連次撲卡該員率同兵勇奮力衝  
殺因賊勢甚衆兵勇多有傷亡該員被賊鎗傷  
右手腕又被一賊用矛戳傷右乳旁卽墜馬滾  
落崖下溝內跌傷左後脇左腳踝損骨當時昏

暈至半夜甦醒不能行動初七日早有鄉民王  
東海在山上行過詢知情由將該員背至山上  
小廟內邀同過路之人抬赴夾河關延醫診治  
稍痊卽遣人通知外委陳傑代爲轉報等語隨  
傳鄉民王東海到郡訊與修永宏所供符合委  
無退補別故臣查該員前因協同官兵剿滅齊  
姚二逆由把總仰蒙

聖恩以守備擢用嗣經派防郎西邊卡尙知感激奮  
勉此次因賊衆兵單該員受傷墮崖以致卡隘  
失守尙非堵禦不力可否仍令趕緊醫痊速赴  
邊卡防守之處出自

皇上天恩再千總銜首領侯建業屢次帶勇剿賊無  
不奮勉爭先頗著勞績本年四月內在七里溝  
剿賊首先衝入賊隊連殺十餘人身帶重傷經

臣

賞給銀兩飭令醫治茲據竹山縣范繼昌稟  
報侯建業受傷深重醫治不效於閏四月初二  
日因傷身故可否卽照實缺千總例

賜恤之處恭候

訓示奏入

上命軍機大臣傳諭倭什布曰據奏孫清元追剿賊  
匪及副將佛寧在花果園殺賊陣亡各情節與昨

日姜晟所奏相同惟據姜晟奏孫清元赴陝截剿  
行至秦家坪適遇明亮帶兵由房縣繞道到彼當  
飭該鎮出境躡剿是明亮尙留楚境而倭什布則  
稱明亮到秦家坪後令該鎮等隨同出境追擊又  
似明亮與孫清元俱已入陝截剿與姜晟奏報不  
同再昨據姜晟奏稱賊匪分股奔竄一則竄入白  
河一則折回鄖縣係屬東西分竄今倭什布摺內

祇稱賊匪竄入白河後經官兵抄截仍由鄆縣回  
竄均州亦與姜晟奏報稍異是否竄近白河之賊  
俱經官兵截回抑係尚有分竄白河一股並未聲  
叙明晰且稱賊匪既經折竄明亮等自必帶兵回  
剿尙未知其由何路前來等語明亮係帶兵大員  
况祇此一路官兵豈有本省督撫竟不知明亮在  
何處之理若云道路阻塞未得確信則倭什布所

接孫清元節次稟報又何以能先後遞到並無阻滯且諺督撫等既未知明亮現在何處其所稱飛咨明亮之語又遞往何處行軍要務全在聲息相通若彼此各不相問何以集事且據姜晟奏於初五初十十一等日三次飛咨明亮分兵剿辦總未得明亮回信今倭什布又飛咨明亮迅速帶兵回剿並先經朕兩次嚴催而明亮一味因循觀望不

知在何處停待藏匿故態復萌實爲可恨著倭什  
布詳查明亮此次繞道房縣抄截其行走道路是  
否實係繞至賊前抑係從旁紆繞擇一無賊處所  
遷延躲避惟以繞道抄截爲詞若明亮竟係避賊  
不前有心玩縱倭什布卽當據實叅奏不得稍存  
迴護明亮本係宿將如因患病遲留或實係紆道  
抄赴賊前則其情尙有可原若竟有心畏避貽誤



軍務則由彼自作孽亦斷不因伊係老於行陣稍從寬貸至倭什布於明亮到後或前赴巴東督防或仍會同剿辦之處自應察看情形相機酌辦再守備修永宏於前此賊匪闖入鄖西時實因賊衆兵單受傷墮崖尙非堵禦不力自應免其衆究仍令趕緊醫治如因傷身故卽咨部照陣亡例議卹義自侯建業帶勇殺賊傷重身故著照竇缺千總

傷亡例咨部賜卹

二十二日

壬寅

上命軍機大臣傳諭額勒登保德楞泰明亮陝甘四  
川湖北各督撫曰川陝等省剿辦賊匪已閱五年  
前後所調征兵不下十萬賊匪總未剿竣本日召  
見廣興據奏四川一省計征防各兵約共有六萬  
餘今德楞泰等一路祇有征兵三萬餘名勒保原

帶兵一萬有餘撥給阿哈保六千名帶領前往甘肅剿賊外祇帶征兵四千餘名此外兵丁四萬餘名則俱在川東川北曾經被賊各州縣留駐防守每處自數百名至一二千名不等卽如開縣地方從前明興曾帶滿洲兵五百名在彼防守明興早經離彼比頂滿兵尙在該處駐紮大寧一縣亦留兵甚多如川東地方接近楚陝各州縣自不能

不酌派官弁駐守其餘各州縣並非緊要該地方官等每藉防守爲詞輒於征兵經過時向帶兵大員懇請留彼駐守此等兵丁遇賊並不出城打仗留駐日久甚至將帳房弓箭衣履等項俱行賣去且各處州縣本有鄉勇防守平日均有分例又何須再留兵丁况滿兵每月應關錢糧較之綠營兵更多該兵丁等安坐城中虛糜餉項而各處征兵

甚少勞勩倍常其得項亦與守兵相等聞陝楚情  
形亦復相同似應將各該州縣守城兵丁調赴軍  
營剿賊以裨實用等語前據德楞額奏勒保奏川省  
現有征防各共統計滿漢屯土共二萬八千九百  
餘名其中防兵多於征兵而征兵逐日移營多有  
病傷者自上年兩次查辦後今又隨處留養日積  
日多痊愈歸伍者不過十之二三已令全赴達州

分別去留是川省征防各兵共止二萬八千餘名而廣興則奏稱約有六萬何以彼此懸殊至數萬餘名之多殊不可解是否各州縣有冒銷情弊廣興係辦理糧餉之人各路應支分例皆由伊查核按各給發所言自非無據軍營剿賊全在一兵得一兵之用若如廣興所奏則節次所調官兵俱經州縣紛紛懇留守城又何怪軍營日形兵少况此

等留駐之兵安坐城中見賊不出甚至器械等項俱行變賣卽遇有賊匪亦豈能徒手接仗其所需錢糧仍舊按名給領以有定之經費養此無用之兵丁既虛糜無數帑金而出力征兵得項不能有加彼此相形苦樂不均孰肯用命况各州縣防守本有雇募鄉勇何以復須留駐多兵似此無端花費惟以餉項不敷爲言是伊等竟安心玩愒必欲

將國家帑項消耗淨盡而後快於心且各路軍營  
傷病無用兵丁節經降旨飭令大加裁減而奏報  
撤令歸伍者仍屬寥寥何不將州縣懇留守城兵  
丁挑出奮勇者調赴剿賊其實係傷病無用者撤  
令歸伍所節省之錢糧不又可勻出以資出力征  
兵之用乎此等積弊川省係廣興所目擊而陝楚  
二省亦據三大畧相同著德楞泰勒保卽將川省



征防各兵實在爲數若干何以與廣興所奏互異  
及現在隨征兵丁何路有若干名各州縣防守兵  
丁何處留防若干詳細開單並應如何分別酌留  
餘俱挑赴軍營剿賊之處據實具奏並令額勒登  
保明亮及陝楚各督撫等一體查明辦理以節糜  
費而壯兵力無稍因循迴護也

二十三日

癸卯

額勒登保奏言

臣

前於隘口等處

督兵剿辦該匪伍金柱冉學勝張世龍並馬五  
張添倫等既經先後攢集一處且周姓陳傑二  
股前經被剿伏匿亦翻山越嶺自西竄來並據  
阿哈保等呈報該副都統等先於初三日在柏  
陽林一帶追及伍金柱等分股二千餘人隨帶  
同百祥並侍衛墨爾歡保副將唐朝臣等在東  
岔河奮力追殺二十餘里殺賊一百三十餘名

生擒一百二名並奪獲騾馬器械亦多探得餘  
匪等亦仍奔伍金柱等合夥臣查賊匪均在棧

道之西其意總思衝出棧道幸札克塔爾楊遇

春格布舍穆克登布及阿哈保各路趕剿並臣

所帶之兵於隘口預扼賊前而太渠地方又有

預備在彼防守嚴密賊匪不能復折向南面逃

遁是以惟在東北面一帶衝突而此處如興家

山五嶺子桃花坪仙坪等處乃係寶雞鳳縣兩  
當交界處所綿長約三百餘里深入五六十里  
八九十里不等詢之土人該一帶並無大路懸  
崖陡壁之處甚多此內亦有窮民在彼搭蓋樹  
皮窩舍居住種包穀苦蕎并時有採木耳之人  
往來馬匹斷不能行走出此老林後係徽兩所  
管臣遂傳令各路官兵晝夜嚴防若使一名賊

匪逸出卽治以縱叛之罪一面督兵截剿十一  
十二二十三等日忽晴忽雨賊匪竟敢隨時窺伺  
經各路官兵先後截擊每處每日均有擒斬或  
一二百人或二三百人少亦五六十人除附近  
被裹之人俱經釋放外其餘概行誅戮無如該  
匪等一經追殺輒分遁迤西老山山勢層疊絕  
無路徑賊匪將所帶馬騾驢頭在山脚山腰截

死樹林森密巖壁陡削官兵亦實不能全隊而

進臣分飭各路將領或帶兵四五百名或二三百

名分投攜帶乾糧前進更番搜捕臣每日親往

附近老林扼要之處帶兵駐劄十四十五兩日

兵丁在林內砍殺割獻耳記外各路據報擒獲

共有六百餘人其中亦有難民均卽安釋並擊

獲賊目及探馬頭王作斌陳彥起黃正年王自

雲張成山等五名詳加嚴訊據供伍金柱冉學  
勝陳傑等昨在林中聚集伍金柱說甘肅地方  
無處擄食衆人又怕寒冷都不情願我原要搶  
過棧東從平地直往河南乃棧道堵截嚴密渭  
河又不能過去招集衆人只好分股盡力衝出  
棧道或仍向南寬大處所今牲口俱無只可翻  
出老林再作計較令我等老教各將所管之人

收管無如多半散失連日被追跌死自相踐踏  
及自縊而死者不少等語卽行凌遲處死

臣

查

賊供雖不足盡信而其牲口不能入山屬實且  
官兵連次截殺搜捕之人統計不下二千餘衆  
而搜捕之人回稱隨處溝坎實有滾跌并自縊  
而死者其勢旣孤其情自餒然逃出老林之後  
若一經遠竄又必漸就鴟張應卽乘勝趕剿而



此一帶五六十里之內現無賊蹤大勢已向西

趨

臣

卽令阿哈保穆克登布桑吉斯塔爾等兩

路會集由夜牛關三岔至駱駝巷高橋一帶而

進又派札克塔爾楊遇春格布舍帶兵由黃牛

鋪瓦房壩兩當向東迎頭截剿

臣

親督慶成等

帶領官兵由中路取道太渠太陽寺太白垭一

帶繞過老山徑趨嶽縣地界期於前途會剿並

知會長麟等由西北之秦州禮縣一帶將賊逼  
向東南又因長麟處祇有總兵觀祥及潘司廣  
厚尚恐不足以資帶兵近日汧隴地方已不甚

緊要

臣

飭令提督定住率領和興額將原帶官

兵馳往長麟一路剿辦並據長麟來信所有補  
額之兵均經來營留八百餘名在鞏昌駐守其  
餘已撥有一千三百餘名前往三岔交關騰堵

截渭江南北岸雖係新兵亦可藉以防守

臣

又

飭知臬司王文湧照舊分派兵勇在汧隴寶雞  
直接渭河南岸與關騰分卡堵禦並與恒瑞所  
安楊家河仙坪各卡隘聲氣聯絡仍防賊之折  
竄至前據沔縣稟報賊匪衝突有札勒杭阿不  
知下落之事當經分飭確查旋據各處稟報衝  
出賊匪係高戴一姓之賊約有若干札勒杭阿

本在何家崖劄營防堵六月二十九日聞畧陽  
所屬之金池院一帶已有賊匪該鎮遂帶叅將  
賡音額都司李生瑞守備楊開第並都司張聯  
奎富森布等分帶兵勇自三四百名至一二百  
名連夜出擊初一日黎明於良馬臺木瓜橋遇  
賊札勒杭阿率領賡音額李生瑞楊開第分路  
直前趕剿賊匪恃其兇悍徑撲官兵互有殺傷

嗣因賊匪愈集愈多兵勇多有被害札勒杭阿  
與廣音額李生瑞楊開第陣亡維時都司張聯  
奎富森布在接官亭麻柳鋪一帶堵賊每人所  
帶兵勇亦只有一二百名故不能前往救援賊  
匪刊處衝突兵勇共傷至二百餘名其後張聯  
奎富森布將所帶兵勇撤至沔縣並收集餘兵  
有把總張祚威將河州鎮總兵印信一夥搶出

暫存縣庫臣以該處情形緊急當派綸布春九

十帶兵一千餘名趕緊前往堵剿旋據岱森保  
報稱該副都統於長寨得信時親領官兵赴沔  
縣一帶截擊在大安驛遇有騎馬賊探立即射  
死一人賊匪知有官兵亡命折向南去岱森保  
卽派馬隊數十名跟追十餘里外所帶兵勇只  
數百名不能窮追又恐賊匪繞出長寨岱森保

將札勒杭阿原帶衝散官兵命於沔縣暫行分  
駐岱森保仍卽趕回長寨防堵而此股賊匪竟  
趨漢江南岸之柳林舖一帶適王文雄因所剿  
西鄉之賊已經敗竄入川聞南鄭有賊卽從西  
鄉堰口一帶帶兵趕來沿江一帶攔截賊匪卽  
向黃官嶺入西鄉司渡河渭河等處南奔近並  
據沔縣稟報又有後股賊匪從畧陽之木瓜橋

跟蹤而來臣 算計此股或係顏勝可魏棒棒或

係辛聰宋麻子等尙未查確并計所派之綸布

春九十等日內已至沔縣該縣自可無虞而南

鄭一帶既有王文雄攔截台布亦由鳳縣趕往

自與岱森保嚴備廣東兵一千五百名又可卽

抵漢中聲威益壯賊匪等不能過江亦斷不能

再行深入陝省腹地臣 刻下惟有將甘省現有



之伍金柱等股賊匪合力上緊掃蕩後再行前往剿洗

同日王文雄奏言查此時西鄉唐龍等股逆匪

臣帶領員弁兵勇於六月初六日在大祥壩十

八日在魏家寨二十二日在黑山萬曲灣二十

三日在火石壩二十六日在山王廟節次加緊

截剿該匪等潰散分逃龍逆股匪於七月初二

日由荒池山逃竄川省太平之孫家壩唐逆股  
匪於七月初一日由平落逃竄太平之雞猴壩

陝省西鄉境界肅清臣卽於初六日帶兵前往

南鄭一帶偵探賊蹤相機抄截初九日馳抵大

路坪卽據探報甘省剿敗竄匪高二馬五戴家

營三股合夥已由沔縣之阜川東竄元壩子向

五郎口出柵林鋪渡江臣於已刻趕至七里溝向

前攔截該匪未得到江邊搶渡仍折從元壩子

入山晝夜奔逸

臣

緊挨北面兜追十三日辰刻

匪衆竄至西鄉堰口齊集窺伺縣城關廂當用

鎗礮轟擊賊匪恃衆抗拒

臣

奮力撲剿移時賊

始潰亂翻山紛奔追殺三十餘里共斃賊百餘

名生擒林德義等男婦八十餘名逃出難民三

百餘名現在分別辦理隨探該匪復合竄白沔

峽勢趨茶鎮江岸經署西鄉令知州宋昌琚預  
派鄉勇防守但恐該匪由高川奔下石泉紫陽  
飛卽知會額勒亨額速行防備協剿再查葭州  
知州宋昌琚自軍興至今帶領鄉勇在平利白  
河紫陽西鄉叠次堵剿殺賊頗多洵有勞績平  
素官聲甚好愛民潔己才守兼優現在西鄉邊  
隘宋昌琚夙夜籌畫勸民立卡壘寨就近圍練

防堵民心莫不欣從嗣復董率練勇度勢策應  
緣地方與川省犬牙交錯延袤將及千里路徑  
歧雜宋昌瑋節次幫同剿賊翻山越箐實屬不  
辭勞瘁至奮勇打仗員弁內除副將鮑貴都司

景坤業蒙

殊國外都司楊光時哈國瓏守備王開吉馮貞林柱  
把總蔣奉書鄉勇首領陳永書任得勝楊謨伍

敏等數人隨臣最久堵剿逆匪辦理營務罔不

竭盡心力此次大祥壩打仗尤能首先衝殺斃

賊多名再糧員候補直隸州州判張金祐隨營

辦理糧務二年有餘並無貽悞每逢進山剿賊

倍加奮勉併會帶領夫役幫同截殺潰匪以上

各員可否迎邀

聖恩鼓勵再查首領陳永書已經前督臣松筠賞給

六品頂戴應卽遵

旨賞戴藍翎把總蔣奉書業蒙

賞拔千總可否

加恩賞戴藍翎外有首領廩生顧澍芝鄉勇任開遠  
周時此次叠剿竄逆均能奮勇向前可否並賜  
鼓勵之處均出自

聖主洪慈均奏入

上命軍機大臣傳諭額勒登保曰額勒登保分派札克塔爾楊遇春等將伍金柱等各夥股匪分投追擊均有斬獲並將竄入老山賊匪陸續搜捕不下二千餘名現在賊匪大勢已向西趨不能逸出棧東所辦俱好但該匪在老林內四散逃逸該處樹林深密巖壁陡峭官兵不能全隊而進額勒登保分飭各路將領搜捕恐賊匪到處潛匿又如上年



那彥成深入南山老林輾轉追躡曠日持久徒疲  
兵力莫若趁賊匪竄聚一處之時分佈官兵盡力  
轟擊逼賊出山在平坦之地易於馳擊現在賊匪  
竄入甘肅徽兩等處雖距棧道稍遠且甘省地瘠  
民貧無可擄掠但亦須上緊剿辦斷不可令其深  
入甘境致未經被賊之區復遭蹂躪額勒登保務  
當於秋令內將伍金柱等股一律辦竣不可稍有

鬆懈至顏勝可魏棒棒辛聰宋麻子等股賊匪本  
係長麟廣厚在甘剗辦今已逼近沔縣又未見長  
麟廣厚帶兵截剿伊二人究在何處辦賊何以任  
聽該匪等竄近沔縣著額勒登保查明具奏又札  
勒杭阿等既據額勒登保查明賊匪竄至木瓜橋  
時該鎮等分路直前趕剿因賊多兵少力戰陣亡  
總兵札勒杭阿叅將廣音額都司李生瑞守備楊

開第俱著咨部賜卹把總張祚威於札勒杭阿被  
戕時將總兵印信搶出尙屬可嘉著加恩遇有應  
陞缺出卽行奏補都司張聯奎富森布雖因兵少  
不能前往救援何以遽將兵勇撤至沔縣是否有  
退避情節抑或實係兵少不能往救並著查詢明  
確據實具奏再據王文雄奏葭州知州宋昌琿在  
西鄉邊隘團練防堵不辭勞瘁又都司楊光時哈

國寵守備王開吉馮貞林杜鄉勇首領任得勝楊  
模生員伍敏等奮勉堵禦此次大祥壩打仗尤能  
斃賊多名請加恩鼓勵等語並著額勒登保查明  
宋昌琿等是否認真出力之處據實具奏候朕另  
降恩旨

上又命軍機大臣傳諭王文雄曰高二戴家營等股  
賊匪經官兵在西鄉剿敗後竄至白沔峽勢趨江

岸該提督自應認真剿辦截其去路且沔縣地方  
現據額勒登保奏復有辛聰顏勝可魏棒棒等股  
賊匪接踵而至自必與高戴等股合夥王文雄惟  
當會同綸布春九十上緊截殺若能將賊匪卽在  
該處殄滅固屬甚善否則亦趁勢攻通寧可令其  
入川斷不可任其竄過漢江或入南山老林致剿  
捕費手爲要至龍紹周唐大信二股賊匪雖已竄

至川北但仍恐乘間折回王文雄應督令該處防守宮弁隨時留心堵截不可稍有疎懈至所保知州宋昌琿都司楊光時等並未奏明實在勞績已交額勒登保查奏俟奏到日再行酌量加恩

同日明亮奏言查徐添德等逆率領馬步大駭賊衆闌入陝省邊界洵陽屬之大金河一帶奔竄該匪復又分股遁入陝省之白河縣據該縣

知縣嚴一青稟報賊匪由柳家溝僻徑偷竄至  
聖母山其星散餘匪已從馬流溝小路偷越至

左家坪一帶滋擾臣親率馬步官兵於初二

等日星夜兼程由茶家坪沈家營繞出賊前初

三日趕至陝省七里關每日行一百二三十里

不等僅帶馬兵四百名步兵趕止者不過六七

百人卽扼要攔住賊匪竄徑沿途林內搜出藏

匪哨探賊匪徐順昌等三十餘名又據營卡盤  
獲胡國才等十七名僉供徐添德大隊賊衆向  
在陳家莊溝內屯聚派伊弟徐三等帶領矛手  
三四百人分爲十數起到東西壩一帶掠糧白  
日藏匿包穀林內夜間潛出裹脅人民搜擄牲  
畜並不放火只探聽陝省邊境何處無官兵營  
卡卽報信與徐添德以便大隊衝過等語當將



該犯等卽行正法

臣

細查賊匪奔竄路徑北屬

洵陽南達竹山西面卽通竹谿綿延數百里均

與陝省毗連是以

臣

一面飛飭竹山竹谿等縣

集勇堵禦並派鎮臣孫清元德昌先行帶兵折

回由插鼓臺花竹淀向竹山一帶探蹤迎剿適

陝西臬司溫承惠派來首領王英等帶領練勇

四千人趨至七里關該練勇等均極整齊精壯

足資堵禦卽同官兵將七里關扼截防堵是日  
晚間復據哨探報稱賊匪聞有大兵扼住入陝  
要路卽折回分股試探保豐希圖由二竹窰入  
平利且連夜帶兵趕回沈家營初四日溫承惠  
趕起來營告知離七里關六十餘里地名五條  
嶺最爲緊要且賊情詭詐往往指東向西不可  
不嚴加防備卽令溫承惠趕赴五條嶺督率練

勇堵剿並照會鎮臣慶溥帶兵至偏頭山堵禦  
與溫承惠一路聲勢聯絡自不虞其闖入臣卽

於初五六等日由竹山之盧家壩直至陝省西  
河屬之關兒口初八日趕赴茅坪繞出竹山竹  
谿西北二面邊界迎截賊蹤該匪晝夜狂奔沿  
途搜獲哨探餘匪並放火矛手訊明均係川楚  
積賊隨卽概予駢誅初九日行抵藥樹壩接據

孫清允等稟報徐逆大夥賊匪仍由鮑家店至  
黃龍灘於初三四兩日過河往房縣大木廠奔  
竄其後股賊匪於初七日自小花果園逃過黃  
龍灘歸併前竄查徐添德本係川匪恐其由房  
縣之九道梁陰條嶺闖入四川大寧前次接據  
房縣知縣李維本稟報川匪漸近大寧與該縣  
陰條嶺一帶均係接壤因地方官團練鄉勇不

足深恃是以派叅將曹星帶兵八百名前往該縣堵禦猶恐兵力尙單臣隨即趕至吉陽關由

大木垵竹山等處連日兼程抄赴房縣覓剿若川匪竄入卽可堵禦楚匪竄出更可迎擊二者均能兼顧途次接據竹山縣知縣范繼昌稟報擊獲落後賊匪張得發等供稱官兵前次在分水嶺打伏賊營內張元帥卽張允壽被馬兵用

箭枝射中馬亦被鄉勇搶去徐添德實畏馬兵  
追殺想要回陝西四川躲避等語

臣

現在親率

馬步官兵三千卽由房縣保康抄出賊前迎關  
奔入川陝之路派總兵孫清元德昌叅將吉林  
叅帶領兵勇四千迅由房縣至穀城一帶躡蹤  
追剿指日趕上痛接一二仗先將馬賊殲除則  
步賊不難以次撲滅奏入

上命軍機大臣傳諭明亮曰前據姜晟倭什布奏楚  
省竄匪分股竄近洵陽及折回均州明亮竟不知  
在何處停待朕心實深慮切屢次降旨嚴飭本日  
遞到奏報方以明亮鈔赴賊前痛加剿殺乃閱摺  
內情形雖將徐添德大股賊匪截回不令竄入陝  
境然總未遇賊接仗惟知往來追趕每日饋行一  
百二三十里徒疲兵力殊屬遲延明亮著傳旨申

飭伊自入夏以來四十餘日未曾打仗猶得以天氣暑熱雨水連絲爲詞朕亦不復深究此時天色晴霽氣候涼爽更無可藉口明亮帶領馬隊及兩粵生力新兵正可趁徐添德大股賊匪折回歸併一處之時迅速剿辦毋得再有遲延昨因徐添德一股有竄至均州之信令長麟於十九日帶領吉林黑龍江勁兵一千五百名起程赴楚計到楚尙



需時日若明亮能先期蒞事遞到捷音此項勁兵  
卽可不必赴楚當飛咨長麟取道前往甘肅至經  
畧大營聽候調遣明亮祇須將粵東粵西官兵酌  
分川陝協剿伊仍在楚省與孫清元以防堵川匪  
爲要前此徐添德卽係川匪闖入楚省蔓延滋擾  
現在川東竄匪苟文明已竄至雲陽屬之露草壩  
接壤大寧與楚省之房縣歸巴處處可通亟應嚴

密防範明亮與孫清元更當實打堵禦不可稍有疎懈

欽定剿平三省邪匪方略正編卷一百九十三

庚申年

七月二十四日

甲辰

德楞泰勒保奏言

臣

等前自

太平寨合兵之後一面通籌剿堵大局一面偵

探各路賊情知樊人傑張金連鮮大川苟文明

等股賊匪俱竄至梁山境內節據獲犯供稱各

首逆因嘉陵江東北均各集團築寨難以擄掠

官兵又追趕甚緊必欲搶渡過江所關匪細且

四股會聚一處賊勢較重必須將此大夥併力殲除是以抽撥官兵派令總兵許文謨馳赴合州定遠西岸實力巡防

臣

等統領大隊直趨梁

塾分路兜剿六月二十九日該匪等正在圍攻

塾江縣城一聞兵至卽亡命狂奔經前隊馬步

官兵趕上殺賊一百三四十名生擒歐汝權等

二十五名餘俱竄入嚙水塾江長壽三交界之

深林內於層巒疊嶂中輾轉奔逃意在疲我兵

力臣等追趕兩日因不得地勢未能得手隨卽

分兵於東北各隘口嚴密堵任並派令七十五

李紹祖馳赴隣水一路抄截初六日晚間探知

樊人傑一股先向隣水奔逸而苟文明解大川

張金連等齊向江北潛行臣等卽漏夜督兵追

躡初八日至靜觀場拿獲落後賊匪及逃出難

民僉稱苟文明等欲走今春浪江熟路由定遠  
之石板沱搶船而過臣等思沿江一帶刻下防

守較嚴賊匪由此竄去正係絕好機會亟應分

路兜圍

臣

德楞泰督同賽沖阿溫春總兵馬瑜

侍衛富僧德阿納保總管孫多保等帶馬步兵

勇由望水亞龍市鎮一路追趕前進

臣

勒保督

同阿穆勒塔色爾濟總兵薛大烈永寧侍衛花

品慶昌克西布塔什拉等帶馬步兵勇由草街  
子元口鎮一路沿江兜截初十日賊在小來溪  
白沙場一帶屯紮距臣等軍營均不過數十里  
當卽彼此知會臣德楞泰緊躡追剿臣勒保抄  
出賊前均於三更發兵十一日巳刻臣德楞泰  
卽督同賽冲阿等馬隊直搶右手山包殲戮甚  
多賊卽奔潰而對面山包經叅將蒲尙佐達自

祥帶步隊連搶數次俱未能卽上臣德楞泰又

同賽冲阿等復帶馬隊轉赴左邊賊見馬兵旋

卽潰逃我兵乘勝盡力追殺至余家場正值臣

勒保督兵抄截前來將賊匪截成兩段斬獲多

名前隊之賊亡命狂奔後隊之賊星散四竄隨

酌派溫春薛大烈等帶領兵勇在後分投掩捕

大半俱被殲獲臣等卽親督馬步官兵併力追



躡直至岳池縣之新場地方時已昏黑是日追  
賊計行一百七十餘里前後斃賊一千二三百  
名生擒及投出男婦共有二千三百七十八名  
口將割獲首級令活賊指認知有偽總兵吳耀  
國並鮮大川之叔偽先鋒鮮文炳已被殺斃活  
賊內有大頭目苟文禮大掌櫃劉照崇總旗手  
張文元苟文經王綬旦等五名又久經從逆隨

同殺人放火賊匪羅一虎等八百六十二名均  
各分別凌遲正法其被擄未久及自行投出各  
男婦李體仁楊戴氏等大小一千五百十一名  
口當卽賞給口糧盤費并給輿路票令其回籍  
安業其陝楚二省被脇民人均文岳池縣遞回  
原籍安插搶獲騾馬牛隻七百餘頭匹並衣食  
各物均分賞出力弁兵旗幟器械一千八百餘

件卽交地方官收貯酌賞各團勇備用現在餘  
匪約計不過二千餘名已由白廟場一路奔竄  
緞後路尙有打散逸匪於菁林中藏匿因卽公  
同商酌臣德楞泰先卽帶兵緊追前竄之賊臣

勒保暫任一日督兵搜捕後路適據探報後路  
飛龍場左邊大山內見有白旗兩面似有賊匪  
藏匿臣勒保於十二日辰刻得信後當派薛大

烈侍衛花品塔什拉副將倭星額都司李德等  
帶領馬步兵勇八百餘名馳往搜捕迨至飛龍  
場查知有賊四五百名先已竄去我兵跟蹤追  
躡七十餘里至余家場正值匪衆在彼造飯馬  
步官兵分成三隊出其不意直前擒捕該匪等  
立形慌亂我兵奮截斃賊三百餘名內有賊目  
趙文舉生擒總旗手郭福萬及賊匪彭洪元等

一百十三名此起餘匪殲獲淨盡至七十五一  
路官兵初六日割營隣水境內探得樊人傑一  
股由七孔溪一帶竄來七十五卽於初七日五  
鼓發兵迎擊黎明甫至復興寨卽見馬賊三四  
百名步賊二三千人搖旗吶喊而來七十五商  
令李紹祖守後當派副將張良槐等帶兵迎擊  
騎馬賊匪副叅領武隆阿副總管傅森額遊擊

鄭啟貴都司閔俊烈等帶馬步兵勇由右手山  
溝抄截七十五親督叅將馮元守備王廷耀等  
帶兵直前衝殺斃賊數十人賊匪捨死力敵適  
武隆阿所帶馬隊由傍抄出賊始敗退至七里  
橋經我兵追殺直奔花石壩山梁賊又恃險抗  
拒兵勇一擁齊上賊更大潰直追至秦家塘地  
方統計殺賊八百餘名擒獲活賊三百四十一

名口內有樊人傑之弟爲元帥樊人聰僞先鋒  
陳得富二名並訊明從賊打仗之杜世成等八  
十二名卽分別凌遲正法其餘被脇難民亦卽  
省釋餘匪千餘由廣安大竹一帶奔竄七十五  
亦卽追剿前進所有出力員弁兵勇容俟查明  
另行奏

聞至此次打仗兵勇並無傷亡惟天氣酷熱追賊一

百六七十里有疾馳中暑立時殞命者情殊可  
憫應懇

聖恩照陣亡例一體議卹又七十五一路兵勇間有  
傷亡容俟查明一併咨部核辦再查川境各股  
賊匪除樊人陳苟文明鮮大川張金連四股竄  
聚一路現經臣等督兵剿辦外其冉添士王士  
虎齊國謨及阮正逢餘黨四股每股不過數百



人或千餘人現據通江縣稟報尙游奕於該縣  
青峪口石窩場等處老山之內其張子聰度向  
瑤等一股約有二千餘人現在東鄉全安坪一  
帶屯紮並未出來滋擾劉朝選湯士蛟等一股  
自經七十五在豆山關一帶擊敗後所剩不過  
千餘人由開縣羊子嶺一路遁逸譚家壩屯聚  
龍紹周唐大信兩股前竄西鄉五塊石一帶是

否被王文雄截回川境未據太平文武稟報容  
俟查明再行具奏至徐萬富趙麻花一股近未  
據探報實在下落恐卽在別股名下潛匿亦未  
可知總之賊匪時分時合忽東忽西各州縣祇  
憑差探情形稟報其姓名人數究恐未能確切  
臣等權其輕重緩急此時惟有併力將樊人傑  
苟文明等大夥匪衆先行辦完再辦別股以期

次第蕩平肅清川境

德楞泰勒保又奏言竊

臣

保前奉

諭旨本年正月二十九日魁倫奏四川省悅來場地方有賊匪前來滋擾經署同知李在文與把總馬友文率同兵勇奮擊鎗斃賊目冉其壽並殲賊三十餘名該匪搶渡南窰南岸復有重慶府文武員弁帶領兵勇在彼防守賊匪無從搶渡著詳查出力

文武各員開單進呈等因伏查本年正月初六日  
賊匪冉添元等自隣水竄至江北靜觀場逼近  
重慶府城後無追兵知府石韞玉一面會同遊  
擊李發先添派兵丁赴江北堵禦一面督率巴  
縣知縣陳寶鼎在南岸巡防初十日賊竄土沱  
地方有二十餘人假扮難民招渡經南岸鍋廠  
兵勇識破其奸用鎗向擊賊隊合夥齊至江干

維時船俱撤泊南岸賊匪卽在北岸遊奕欲圖  
紫筏偷渡該府縣會同營員親督兵勇隔河連  
放鎗礮擊死騎馬賊一名步賊八名匪衆退遁  
賊緣不能竄渡重慶卽於十一日至悅來場適  
遇候補通判署同知李在文與把總馬友文帶  
領兵勇前來追截殺斃賊目冉其壽並賊匪三  
十餘名彼時賊匪不能由江北竄渡始由定遠

之石板沱地方竄過嘉陵江查知府石韞玉公  
正廉明辦事勤幹本係知府中出色之員知縣  
陳寶鼎老成練達辦事勤能兩年以來委辦集  
團防江各事宜均能實心經理通判李在文署  
江北同知緣能認真堵賊甚得民心前因丁憂  
經臣勒保奏明暫留署任始終勿懈遊擊李發  
先料理江防本能周密自軍興至今承辦軍火

軍裝毫無貽誤把總馬友文帶兵殺賊亦屬奮  
勉茲蒙

聖明垂詢不敢壅於上

聞又遵

旨查明長池壩打仗出力三弁鄉勇等臣等分別開

單恭懇

聖慈俯賜獎卹均奏入

上命軍機大臣傳諭德楞額保曰此次德楞額等探知賊匪奔竄蹤跡連夜發兵分路兜截不令竄過嘉陵江觸熱打仗殲賊四千餘名連擊一百七十餘里實爲勞苦出力深堪嘉許德楞額著賞給白玉喜字搬指白玉大吉葫蘆掛牌嵌玉火鑰瑪瑙鼻烟壺大小荷包勒保著加恩實授四川總督賞給二品頂戴仍加恩賞給白玉喜字搬指白玉



大吉葫蘆掛牌瑪瑙鼻烟壺大小荷包勒保若再  
能殺賊立功再行賞還花翎及頭品頂戴勉之如  
伊等將川境大股賊匪辦竣再將別股以次蕩平  
更當疊膺懋賞又發去翎管扳指套各十件著德  
楞泰等分賞帶兵出力將弁以示鼓勵其隨征兵  
丁有因疾馳中暑身故者情形可憫俱著咨部照  
陣亡例議卹至樊張鮮苟等逆經官兵痛加殲戮

後勢已窮蹙德楞泰等務當乘其竄合一處之時  
併力奮擊不遺餘力德楞泰等當酷熱時尙能奮  
勉殺賊大獲勝仗此時已屆秋涼天色晴爽自更  
可加緊窮追剋期掃蕩迅速成功至龍紹周唐大  
信兩股賊匪前在西鄉竄擾早經王文雄截回川  
省太平一帶德楞泰等自尙未知確信又據稱張  
子聰廣向瑤一股現在東鄉屯聚志龍唐二逆竄

往該處合夥再高二戴家營等股賊匪昨據額勒  
登保奏已由沔縣西鄉一帶東竄亦難保其不折  
入川境德楞泰等務當留心探聽堵剿總期殄滅  
無遺又前據明亮奏苟文明一股有竄至雲陽江  
口與大寧接壤德楞泰帶兵追剿之語德楞泰等  
追剿樊張等逆正當喫緊之時如苟文明被剿緊  
急或竟竄往大寧一帶德楞泰勒保二人不可自

行帶兵追捕惟當酌派一人帶兵前往截擊如能  
速行截回固好否則必須跟蹤追躡卽於川境辦  
淨方爲妥善

上諭內閣曰德楞泰等奏查明此次重慶江北兩處  
防守文武員弁內知府石韞玉著加賞道銜候補  
通判李在文著加賞同知銜仍賞戴花翎知縣陳  
寶鼎著加賞知州銜遊擊李發先著以叅將卽用

把總馬友文著加賞千總銜並賞戴藍翎其軍營  
出力人員內叅將羅聲皋遊擊馬斌楊國林都司  
郭文魁四員均著賞戴花翎守備李朝相千總馬  
爾元李輝林把總劉元標外委楊自榮額外外委  
陳之良達自貴馬兵張登雲步兵孫如濂何有禮  
鄉勇蘇元林十一員各均著賞戴藍翎知縣喻日  
泗著加恩以同知陞用典史徐開元著以府經歷

陸用鄉勇冉玉龍前已賞給七品頂戴今因傷愈  
始終奮勉出力著加恩賞戴藍翎卽以千總補用  
以示鼓勵

二十六日

丙午

姜晟奏言

臣

欽奉

上諭垂詢明亮等剿辦稽延查本年六月內賊匪由  
均穀鄖縣一帶奔竄臣通飭各屬於各卡隘厚  
集練勇防堵鄖縣係附府首邑在漢江之北其

所管之黃龍灘皮貨灘係漢江之南岸支河出  
溪細流無險可據並未設有卡隘亦無支領口  
糧鄉勇先經查據鄖陽府縣稟報此次賊匪大  
隊猝至該處巡檢團集附近義勇數千人接仗  
賊匪分股繞至距灘數十里之石花溝躡渡而  
過卽向戴峽一帶狂奔該處並無船隻被其搶  
渡核與孫清元原稟所稱由黃龍灘躡水追剿

相同似屬實在情形其鄖西一縣又在北岸府  
城之西前據道員恒慶稟報賊由鄖縣南岸石  
花溝涉淺西竄督飭知府王正常知縣孔繼樞  
鄖縣高鳴禧於沿江上下各水卡集勇巡防距  
黃龍灘較遠委難兼顧亦非捏飾惟查鄖竹二  
保境內尙有類此溪河臣已通飭各該地方官  
傳諭附近紳士聞有賊警務須多集練勇嚴密



堵截如能截住賊蹤優加賞勵明亮等於六月  
望前駐營襄陽城外明亮將馬隊粵兵飭交孫  
清元德昌等於十五日起身先行明亮候粵東  
後起兵一千名到襄整裝料理於十九日自襄  
前進茲查孫清元明亮先後自均州所屬孫家  
灣分路處所至兩兵會合之竹山縣擂鼓臺止  
明亮由房縣繞道計程較遠一百二十里孫清

元起身在先程途較近屬寔惟孫清元等呈報  
六月十七至二十日在均州草店一帶連日大  
雨間阻軍行係明亮尙在襄陽就道之時孫清  
元等又在分水嶺遇賊打仗不無留頓業蒙

聖明燭照

臣

查青號一股賊匪自荆門州由穀城均

州鄖縣各境竄近陝界仍又折回現已從均穀  
下竄穀城附近城垣數十里內義勇團聚守禦

甚爲得力自石花街以下尙少焚殺之事連日  
賊隊中被裹男婦陸續逃去昨有籍隸穀城保  
康男婦十六人殺其所從之賊探四川人袁姓  
父子三人相率逃至盛家壩地方經甲長鄉勇  
盤住送縣臣傳至訊問僉稱匪等因聞陝省覓  
食艱難是以折回當飭該縣查明地隣分別遞  
釋察訊賊匪狡獪情形總以馬隊當先搶掠匪

類結隊延長一二十里官兵緊追則賊亦緊走  
大率意在覓食實時刻畏懼官兵至明亮此次  
往追一月並未遇賊打仗剿辦誠屬遲延惟時  
值秋暑正盛兼之陣雨時行賊匪蹤跡輕便專  
事狂奔官兵行走未免爲暑雨所稽明亮斷不  
敢有意遷延今賊旣折回氣候亦漸涼爽亟應  
於楚境殲除但若徒事尾追實慮勞師罔濟茲

據探報明亮孫清元等兩三日內可抵穀城

臣

當與悉心籌議明亮自必趕緊設法剿辦儻此

後明亮等寔有因循觀望情事

臣

見聞所及卽

遵

旨嚴行叅奏不敢稍有曠衍正在繕摺間接據探報

明亮帶兵從房縣保康前赴南漳查賊匪由穀

城之茨河丁家集竄往南漳武安堰一帶是明

亮正可迎頭截擊一俟得有剿辦的音卽行奏

聞再

臣

原擬由穀城前赴竹谿鄖陽一帶今賊匪全

行折竄明亮等統兵回剿

臣

仍擬於安襄等處

就近移駐照料飭屬若禦奏入

上命軍機大臣傳諭姜晟明亮曰明亮此次往返一

月並未與賊打仗所奏自屬實情卽明亮節次奏

摺內亦並無與賊接仗之事但剿辦賊匪全在紫

躡賊蹤奮力剿殺若云秋暑正盛陣雨時行官兵  
行走未免爲暑雨所稽則如四川甘肅兩省何嘗  
不同道暑雨之時而額勒登保德楞泰等俱能連  
次剿殺屢獲勝仗其川省隨征兵丁間有中暑身  
故者均已照陣亡例子卹楚省又何得以雨水炎  
熱爲詞日久延玩是明亮等之辦理遲延寔難辭  
咎因事屬既往姑置弗議現在青號一股賊匪自

陝折回後已從均穀奔竄又據稱賊匪業由穀城  
之茨河丁家集竄往南漳武安堰一帶此時明嘉  
從房縣前赴南漳正可迎頭截擊務須自知愧奮  
加緊剿辦至所需餉項現又不待伊等奏請已降  
旨令吉慶將關稅銀兩撥解三十萬兩赴楚應用  
似此兵精餉足更復何所藉口明亮若能將徐添  
德一汲賊匪於秋令迅速殲盡卽屬伊等之功其



從前遲緩之咎亦不加追究並當加以恩施若仍  
前遲玩致賊匪輾轉奔竄則是有心貽誤國事必  
當從重治罪斷不稍爲寬貸至姜晟前奏楚北緊  
要處所俱已分派兵勇嚴密堵禦今仍被賊匪偷  
渡可見姜晟所奏祇屬空言黃龍灘等處旣係要  
地自應豫派鄉勇在彼防守何待賊匪猝至始行  
團集賊匪固屬烏合之衆而鄉勇未經素練臨期

猝令禦賊又何怪縱賊偷渡耶該管巡檢係屬何人亦未奏明而該府縣等又在何處何以並無一人在彼督防殊爲疎懈並恐地方官有借端冒銷之事著姜晟查明並將疎防該管各員核其情節輕重一併據寔叅奏

二十九日

巳酉

額勒登保奏言

臣

昨由太白煙墩

縣一帶前進途次接據札克塔爾場遇春呈報

伊等本帶兵由黃牛舖及房壩前進於未經破  
營之先十三日早間拿獲賊探知陳傑一股有  
數百賊匪尙欲由老山翻出棧道東奔陝省南  
山札克塔爾楊遇春及格布舍會商未便遽行  
必須分投密行趕擊本日午後探得該匪陳傑  
率其餘黨繞從半坡舖觀音溝有奔出棧道之  
勢誠恐其先後行走札克塔爾因帶同將領等

往後剿捕楊遇春格布舍帶兵卽向楊家河老  
虎溝一帶追剿當晚追及賊匪殺賊百餘名昏  
黑不能前進孰料該匪連夜狂奔已從箐林中  
於五鼓時翻過梭道揣度山勢該匪等必奔迎  
母寺王家楞楊遇春另派兵勇仍從箐林跟蹤  
搜捕外格布舍卽帶馬隊由兩河繞至王家楞  
楊遇春帶領兵勇由捷徑抄赴王家楞以期迎

頭截殺十五日天未黎明均趕至王家拐拿獲  
賊探知陳榮又在火三板溝中潛躲所剩不過  
三百餘人楊遇春格在舍將已到之馬步兵三  
面分佈多張旗幟以爲疑兵另伏精兵於乾柴  
溝口潛待時跟追之兵勇亦已趕到該匪等尙  
在歇息知有官兵慌亂奔走旋經守備范雲龍  
把總楊應舉等帶兵衝入立斃三十餘名馬隊

施放鎗箭亦斃賊六七十名維時陳傑腿被箭  
傷正從乾柴溝逃奔有帶鄉勇之從九品劉國  
翼並鄉勇頭鄭貴見有二三十人簇擁一人竄  
走知係賊目卽帶頭鄉勇等奮力搶進搥殺餘  
賊奔散鄭貴上前捉住帶箭傷一人始知卽係  
陳傑然將應元寬擊張瑗并范雲龍楊應舉  
等趕來四面圍殺將陳傑所有餘匪二百餘名

盡行殲洗又生擒老教頭黃大禮旗手董白寬  
向長生并殺賊二十八名旋據札克塔爾呈報  
在後搜殺其斃賊九十餘名楊遇春等并查明  
派往老山密林跟蹤搜殺之兵勇殺賊共四十  
餘名拿獲三十五名內有探馬頭譚啟倅陳才  
元二名其被脇五名仍行釋放餘犯亦卽正法  
此股賊匪寔已淨盡楊遇春旋將該犯陳傑押

解赴送橫川軍營

臣

委總理道朱勳審訊並親

提面問據陳傑供稱年三十七歲湖北襄陽縣

黃龍壩人舊從李潮習教後與劉啟榮高均德

張漢潮等同時起事還有同教周天緒與他合

夥到過四川陝西同時起事本有五六百人後

與周天緒等隨處裹脇多少無定曾有二三千

人到處總是聚著官兵前在茅坪地方遇楊開



甲辛聰等亦未與合夥後聽得楊開田被官兵  
殺死我就同周天緒向藥壩四畝地一帶老林  
逃竄官兵追得緊聽見伍金柱等都往甘肅我  
就翻嶺逃走本月初間走至孟家灘尙剩一千  
餘人又與伍金柱冉學勝等會合被官兵剿殺  
竄入老林伍金柱已往西竄我想官兵必跟追  
天股我躲在老林要想候官兵全往西走我偷

過棧道往陝西南山一帶擄食乘空再往河南  
襄陽周天緒已帶四五十人跟冉學勝前去等  
語餘供亦無闕案要查該犯案已帶有箭傷未  
便久稽顯戮現卽處以極刑並卽臠割將首級  
發交成縣懸掛以彰

國法至伍金柱張世龍冉學勝等股賊匪現據差  
探晝夜亡命奔逃竄向西和成縣西南一帶阿

哈保穆克登布等帶兵已從成縣一帶抄去趕

剿長麟及定住廣厚等亦在西和禮縣紫顧西

面分投攔截臣暫駐橫川原以杜其東折且查

東北一帶賊匪已淨札克塔爾揚遇春等亦卽

由兩當嶽縣而來臣踞探賊蹤督率各路官兵

務趁該匪等殘敗奔逃之際就地一律掃蕩

額勒登保又奏言竊臣剿辦賊匪凡有寔在出

力之滿漢官員以及兵丁鄉勇均隨時存記近  
以截剿各股竄匪官兵等晝夜辛勤出力者更  
多並侍衛車森保捫欽保愛星阿等三員前奉  
諭旨如再能奮勉出力令臣查奏在案查車森保等  
三員每遇打仗實屬奮勉爭先其餘侍衛將領  
兵勇謹將各該員前後勞績詳加比較擇其優  
者分繕清單恭呈

御覽仰懇

聖主分別加恩又陝西畧陽縣知縣崔五峯前臣自

川入陝卽隨同辦理糧務旋經入甘入陝近又

隨至甘省在札克塔爾等一路軍營辦理輾轉

奔馳不辭勞瘁且該員悃悃無華辦事結寔洵

爲縣令中出力之員再查四川北右營都司

朱集才臣前在川省剿賊時因其不知奮勉告

知勒保經勒保於上年五月內叅奏將該都司

摘去翎頂令其立功自贖該都司深知愧悔今

又隨

臣

一載有餘打仗奮勇數月以來令其隨

帶兵勇查探賊情無論早晚風雨隨處偵探皆

能確寔該都司本末開缺應請

五日賞還原戴翎頂俾益知感奮奏入

上命軍機大臣傳諭額勒登保曰此次陳陳一殿賊

匪雖爲數無多但該逆越過棧道欲東奔南山一帶若任其竄入南山不特搜捕費力且此股賊匪爲額勒登保行軍後路恐致牽綴官兵今額勒登保分飭札克塔爾楊遇春等探蹤截殺將陳傑生擒并掃除餘黨所辦甚好現在陝甘東北一帶賊匪已盡止餘伍金柱張世龍冉學勝等股賊匪向西和成縣西南一帶奔逃阿哈保穆克登布等帶

兵從成縣一帶趕剿札克塔爾揚遇春所帶之兵  
亦可併力會剿而長麟定住廣厚等在西和禮縣  
緊顧西面分投攔截額勒登保等躡探賊蹤督率  
各路官兵自東而西長麟等自西而東兩面夾擊  
務當趁賊匪潰敗奔竄之餘卽在甘境將伍金柱  
張世龍冉學勝等逆裔力殲擒殄滅餘匪將陝甘  
兩省賊匪一律肅清必當將經畧額勒登保及出



力各員優加懋賞朕惟計日以待捷音之至帶領  
鄉勇之從九品劉國譽與鄭貴一同奮勇攬殺亦  
屬出力著加賞八品頂戴

上諭內閣曰額勒登保保奏軍營出力員弁兵勇乾  
清門頭等侍衛色玉慎著賞給伊清阿巴圖魯各  
號護軍叅領雅林保賞給對呀巴圖魯各號廣東  
副將張鳳賞給卓哩克泰巴圖魯各號仍照例各

賞銀一百兩山西叅將成福廣東遊擊唐文淑者  
賞戴花翎四川都司李貴楊逢春廣西守備范雲  
龍著賞換花翎山西守備劉勝祥貴州把總靖爲  
福廣西把總朱純彩四川把總楊應舉四川外委  
張占熬湖北外委陳連陞甘肅外委史成四川額  
外外委陳永才甘肅額外外委劉祿直隸兵丁常  
興廣東兵丁梁循四川鄉勇頭馬學湯著賞戴藍

翎又四川鄉勇頭鄭貴見有賊衆簇擁一人知孫  
賊目卽帶同鄉勇等奮力搶進餘匪潰散捉住賊  
首陳傑尤爲奮勇可嘉鄭貴如本係六品頂戴卽  
著賞戴藍翎如係七八品頂戴著加恩賞六品頂  
戴陝西畧陽縣知縣崔五峯著以知州陞用准其  
先換頂戴再川北右營都司朱集才著賞還原戴  
翎頂以示鼓勵